



Miletić: Suspendovana sutkinja Suda BiH

Nastavak suđenja Azri Miletić

Preslušani razgovori sa S1

Uvođenjem novog svjedoka Tužilaštva BiH Aldina Mustafića, službenika Državne agencije za istrage i zaštitu BiH (SIPA), jučer je nastavljeno suđenje sutkinji Azri Miletić, optuženoj za primanje mita. Mustafić je govorio o prisluškivanim razgovorima, za koje je **SIPA napravila izvještaje** u posebnim istražnim radnjama o ovom slučaju. Razgovori su doveli u vezu optuženu sa svjedokom S1 i Senadom Šabićem.

Prije samog pretresa, odbrana se žalila da nije dobila naredbu Suda koju je Tužilaštvo moralo prosljeđiti, a sudija Biljana Čurković donijela je odluku da se ova naredba ne dostavlja odbrani sve do okončanja ovog ročišta, kazavši da će odluka biti donesena naknadno.

Jasenska Rešidović, braniteljica Miletićke, odmah je zatražila da se zbog privatnosti svih podataka koji su trebali da budu prezentovani u svjedočenju Mustafića, medijima onemoguću praćenje ovog dijela sudskog procesa.

“Isključen je javnosti tražim jer se objava snimljenih razgovora kosi sa članom osam Evropske konvencije,

Službenik Aldin Mustafić govorio o rezultatima istrage **SIPA**

krši se privatnost nekim osobama koje nisu tu”, kazala je Rešidović.

Džermin Pašić, tužilac BiH, pojasnio je da je sve prema standardima.

“Želim da odbrana tačno kaže o kojim se razgovorima radi”, kazao je Pašić.

Čurković je odbila prijedlog odbrane. Mustafić je za izvještaje kazao da sadrže hronološke rezultate posebnih istražnih radnji.

“Oni su djelimični, odnose se i na neka druga krivična djela”, ističe Mustafić.

PRIVATNO I JAVNO
Odbijen je prijedlog
odbrane da se
snimljeni razgovori
preslušaju bez
prisustva medija,
a zbog privatnih
podataka

Za prvi razgovor Mustafić kaže da dovodi u vezu optuženu Miletić sa svjedokom S1.

“Drugi razgovor opet povezuje dvije iste osobe. Treći, četvrti i peti spajaju S1 sa Šabićem”, kazao je Mustafić.

U šestom razgovoru Ramo Brkić poziva suprugu, a u zadnja dva prima poziv od NN lica.

Prema optužnici, Šabić, osuđivani narkodiler, i Brkić, bivši komesar policije USK-a, od jula 2014. do februara 2015. tadašnjoj sutkinji Apelacionog vijeća Suda BiH Azri Miletić obećali su novčanu naknadu kako bi ona uticala na ishod drugostepenog postupka u kojem im se, između ostalog, sudilo za trgovinu drogom. U optužnici se navodi da je Miletić na to pristala i od posrednika S1 primila dio obećanog novca, čime je svjesno prekršila zakon.

Suđenje se nastavlja 19. maja svjedočenjem istog svjedoka.

A. BUSULADŽIĆ